



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 11.11.2019

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
Patrizia Wieser, manadra da finanzas

S-chüsà:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	respunsab el
1	0120 Executiva Acconsentimaint protocol	tuots
2	0210 Administraziun cumünala Preventiv 2020	vp/pw/ap
3	8500 Industria e commerzi Furnaria e butia Ramosch / successiun da l'affar / dumonda da sustegn Furnimaint da la posta; nouva soluziun; sezzüda dals 8 da november 2019 culs respunsabels	
4	0120 Executiva Orientaziuns	tuots
5	0120 Executiva Varia (suprastanza cumünala)	tuots

0120 Executiva

139 Acconsentimaint protocol

Il protocol da la sezzüda dals 4 da november 2019 vegn approvà.

0210 Administraziun cumünala

140 Preventiv 2020Preventiv quint economic

La suprastanza repassa il quint economic cun tuottas spartas, la contabla til preschainta e dà las infuormaziuns necessarias. Il quint economic prevezza seguaint resultat:

Entradas da frs. 11'223'700.00 vers sortidas da frs. 9'719'700.00, uschè chi resulta ün guadogn da frs. 1'504'000.00. Il cashflow demuossa üna somma da frs. 1'690'000.00.

Preventiv quint d'investiziuns

Il manader tecnic preschainta la fatschenda ed infuorma sur dals progets previs da realisar. El muossa via sül fat, cha las investiziuns surpassan per bainquant il rechav da l'on e ch'uschè stuvarà gnir tut sù munaida estra. Il quint d'investiziun prevezza entradas da fr. 1'868'400.00 e sortidas da fr. 4'864'000.00, quai chi lascha resutar üna somma d'investiziuns nettas da frs. 2'995'600.00.

Per seguaints progets vegn amo suottamiss a la radunanza la dumonda per credits novs, dimena:

- Chasa da scoula Strada	frs. 20'000.00 (stüdi da variantas)
- Senda da spassegiar Barandias	frs. 65'000.00
- Via da velos Ischla Rov - Strada	frs. 1'174'000.00
- Infrastructura zona Plan da Muglin	frs. 300'000.00
- Servezzan da lavur / nouv tractor	frs. 180'000.00
- Lingia meteora Schilana	frs. 75'000.00
- Lingia da chanalisaziun Sclamischot	frs. 175'000.00
- Cuntschet Branca	frs. 517'000.00
- Chamonna Pradatsch	frs. 335'000.00
- SIS-sanaziun repars Martina Mingèr (sectur D)	frs. 96'000.00
- SIS-sanziun repars Jürada	frs. 50'000.00
- SIE-sanaziun via da god Martina-Vadrain	frs. 1'300'000.00
- SIE-sviamaint via da god Clisot	frs. 76'000.00
- SIE-sanaziun vias da god Clisura, Patschai e Clisot	frs. 110'000.00
- Tualletta publica Vnà	frs. 70'000.00
- Inszenaziun portal entrada Ramosch	frs. 50'000.00

Credit supplementar 2019 / proget forestal

- Sanaziun da la via da god Zuort, causa strasoras	frs. 400'000.00
---	-----------------

La suprastanza fa amo ün adattamaint. Ella es perincletta cul preventiv da gestiun sco eir d'investiziun 2020 e tils deliberescha cun vusch unanima a man da la radunanza cumünala.

Il HRM2 pretenda amo il plan da finanzas e quel d'investiziuns pels prossems 5 ons, 2021 – 2025. In seguit preschaintan quels la contabla ed il manader tecnic in dond las infuormaziuns necessarias. A la fin finala vain lura amo preschantà a la suprastanza il plan da finanzas – attest economic sur trais s-chalins cun finanziaziun. Eir quel pretenda il HRM2 ed ils duos manzunats dan eir lasupra las infuormaziuns necessarias. Ultra da quai as stoja preschantar a la radunanza ils credits dals progets chi sun gnüts conclus.

Plünavant decid'ella da propuoner a la radunanza da laschar il pè d'impostas sco fin da qua, dimena sün 95% da l'imposta chantunala simpla.

8500 Industria e commerzi

141 Furnaria e butia Ramosch / successiun da l'affar / dumonda da sustegn

Furnimaint da la posta; nouva soluziun; sezzüda dals 8 da november 2019 culs responsabels

Davart da la posta esa gnü infuormà cler e net ch'ella intenziunescha d'integrar a Ramosch il servezzan da chasa e cha las statisticas nu güstificheschon ingüna soluziun alternativa.

Davart da la suprastanza esa però gnü tut cler posiziun in sen, ch'ella nun es pronta d'accpetar la decisiun previsa da la posta. Il capo s'ha esprimi in sen d'avair fadia culla valütaziun dals rapreschantants da la posta e cha quels nu sun pronti da gnir incunter cun üna soluziun chi garantiss üna cuntinuaziun da la soluziun existenta cull'agentura. El deplorescha, chi nu regna tant'incletta da spettar amo sün üna soluziun pella butia, da la quala la grupp d'interess saja landervia da tscherchar.

La suprastanza decida da na suottascriber la decleranza d'acconsentimaint cul servezzan da chasa. Ella intenziunescha d'intervenar cunter la decisiun pro la PostCom, il post ingio chi po gnir inoltrà recuors.

0120 Executiva

142 OrientaziunsContrat da cumpra da terrain da la corporaziun evangelica Valsot

La suprastanza da quella ha consultà il sböz dal contrat e quella es rivada a la conclusiun da metter seguaintas cundiziuns:

- Il cumün sto sclerir in ouravant chenüns bös-chs chi ston gnir allontanats, quai per pudair comunicar avertamaing.
Cun quist va la suprastanza daperüna.
- Il cumün es pront da refar la scarpada donnagiada, quella giavüscha cha las tschoccas existentas gnian allontanadas e cha la scarpada gnia inverdida ed ev., scha bsögn fa, dafatta tilla fixar cun laina. *La suprastanza va daperüna da refar la scarpada, però na d'allontanar las tschoccas, causa cha quellus servan per stabilisar la scarpada e tegner sü la naiv.*
- Ella giavüscha cha'l cumün surpiglia il custodi da la collina definitivmaing e procura cha tala fa ün bun aspet, quai a charg dal cumün.
Quist nu vain in dumonda, causa cha quai es plainamaing fatschenda da la possessura da terrain.
- Scha'ls trais puncts manzunats survar pon gnir aderits davart dal cumün es la corporaziun pronta da ceder ils 84m2 gratuitamaing.
La suprastanza refüsa quist fat. Ella es pronta da comprar il terrain suot medemmas cundiziuns sco plüssas otras, dimena tenor il princip d'egualità.

In quist sen vain infuormà in scrit in dond occasiun amo avant la radunanza da decider scha la corporaziun vuol vender il terrain o na.

Stüdi da realisabilità per l'examinaziun dal svilup dal parc da natüra Biosfera Val Müstair e dal reservat da biosfera da l'UNESCO Engiadina Val Müstair

Il stüdi da resposta sün dumondas a regard pussibilitats per sviluppar inavant e trar a nüz il potenzial dal parc da natüra Biosfera Val Müstair ed il reservat da biosfera da l'UNESCO Engiadina Val Müstair. Als 26 da november 2019 a las 14:00 ha lö illa sala cumünala a Ramosch ün'occurrenza d'infuormaziun a regard ils resultats dal stüdi e quai pellas suprastanzas dals cumüns da Scuol, Val Müstair e Valsot. Il capo declera la perticipaziun da seis collegas sco obligatoria.

0120 Executiva

143 Varia (suprastanza cumünala)

Da la tractanda nu vegn fat adöver.

7556 Ramosch, 26.11.2019



Il capo:

Il manader administraziun: